

OPVSCVLE

TRES-NECESSAIRE

A CEUX QUI VEULENT
parvenir à la cognoissance des
principes de la science, ou art,
de Chirurgie.

*Extraict des Institutes de M. Iean
Tagaut. Et mis en Dialogue par
Tannequin Guillaumet, Chirur-
gien du Roy de Nauarre, & Mai-
stre iuré en ladite faculté, en la
Cité de Nymes.*

Introduisant ces deux fils parens,
sçauoir Iaqués, & Laurent
Guillaumets, Freres



A LYON,

Par Benoist Rigaud.







A M. T A N N E Q V I N
G V I L L A V M E T.

S O N N E T.



*I tost d'un vent à gré d'un Ze-
phir gracieux
La nef ne fent la mer: la flesche
decochee*

*Si tost ne froisse l'air de la corde laschee
Que prompte est nostre vie à voler dans les
cieux.*

*Mais si (mon Tannequin) par art ingenieux
L'homme rare raiust sa memoire cachee
Dans le tōbeau d'obly: par la mort attachee
Tu t'acquieras auoird'huy une gloire en
tous lieux.*

*Pource donc Guillaumet, car nostre art
admirable* (ble

*Ta plume, tes escrits, à nostre Frâce aima-
T appresté un los, un nom qui defra les ans.*

*Ainsi si tu poursuis, tō subiect, tō ouurage
Tu seras le premier en nostre art de nostre
age,*

Comme fut Galie le premier de son temps



AD AVTHOREM.

Τερπασίχου.

Extinctos iam morte viros, Epidaurium
herbis

Restituit Crescis : sic credidit alta vetustas.

Hoc si quis nostrum credat cōtingere posse.

Cur non decantant ymbra, tua dona siletis.

I. R. Nemausensis.

IOAN



IOANNES BERTRANDVS.

Ad Chirurgicæ artis candidatos:

Τῶν ὁρίστων. Α. Β. Γ.

Corporis humani nolim miracula
tangi.

Quin prius hæc vestras abluat vn-
de manus.

Ad eosdem τὴν ἰατρικὴν

Quæ cupis optatos artis contingere
fontes.

Huc propterea dux est riui⁹ iste tibi;
Hoc sedato sitim, largos haurire li-
quores

Ex plenis donec fontib⁹ ipse queas.

Α. Β. Γ. Α. Μ. Α. Ι.



A M A I S T R E

I E A N C A M B A V T,

M. I V R É E T T R E S - E X P E R T

Chirurgien, de la Cité d'Au-
gnon. Tannequin Guillaumet,
Chirurgien du Roy de Nauar-
re, & M. Iuré, audit art de la Ci-
té de Nymes desire, Salut &
Prosperité.



*ONTrescher Amy, ne sça-
chât par quel moyen, pré-
dre revanche, de tant de
vos bien faicts, en mon
endroit, & pour l'obligatiõ que vous
dois, en tesmoignage de l'amitié, que
vous porte: Me suis pensé, que ne pré-
driez, en malle part, si vous dedie
cest*

cest Opuscule : bien que semble faire
 plustost, pour les nouices de nostre
 art, que pour vous, que n'avez besoin
 d'estre nourry du laiët, ains des viã-
 des solides, & sciences graues. A cau-
 se dequoy, me pourrez taxer, que ce
 n'est pas à vous proprement à qui ie
 dois dedier ce miē petit eschantillon.
 Toutesfoi bien qu'il semble en appa-
 rence estre brief, & facil : Si n'est-il
 pas si brief, que ne comprenne toutes
 les parties de la Chirurgie, tant en
 general, qu'en particulier. A raison
 dequoy nul ne pourra dire soit-il en
 la substãce des mots, ou à mon ordre,
 non encores v̄sité. Que aux amateurs
 de cest tant excellent art, (ie dis ex-
 cellent, pour raison du subiect, sur le-
 quel il verse, qu'est le Mycrocosme)
 il ne puisse proffiter à tous. Parquoy
 vous prie, auãt que ce mien petit la-
 beur, soit publié, si vous ou autre, y
 trouuez quelque chose superflue,

manque, ou douteuse ie submets le
 tout à vostre correction. Et parce
 vous prie, & tous les lecteurs du pre-
 sent Opuscule, prendre le tout en bõ-
 ne part, & pardonner à mon petit
 sçavoir. Et quant à vous le prendre
 d'aussi bon cœur, comme le vous de-
 die, De Nysmes ce





O P V S C V L E TRES-NECESSAIRE

A CEUX QUI VEULENT
paruenir à la cognoissance des prin-
cipes de la science, ou art, de Chi-
rurgie.

*Extrait des Institutes de M. Jean Tagaut.
Et mis en Dialogue par Tânequin Guil-
laumet Chirurgien du Roy de Navarre,
& M. Iuré en ladite faculté en la Cité
de Nîmes.*

Introduisant ces deux fils parlans, à
sçauoir Iaques, & Laurens
Guillaumets, Freres.

Iaques.



O M B I E N de choses
sont principalemēt re-
quises à vn sçauant &
rationel Chirurgien?

Laurens.

Deux : la premiere est exquise & parfaicte cognoissance de la tierce partie de la medecine therapeutique , laquelle partie est appellee Chirurgie : parce qu'en medecinant elle vse de la main.

Iaques.

Dy la seconde?

Laurens.

C'est vne prompte dexterité à executer tout ce q'appartiēt aux maladies subiectes à Chirurgie.

Iaques.

Qu'est il necessaire de sçauoir, pour bien entendre la science ou art de Chirurgie?

Laurens.

Quatre choses: la premiere est, qu'il faut sçauoir qu'est-ce que Chirurgie. La secōde, quelle matiere est subiecte à la Chirurgie. La troisieme , quelle est la fin de la

la Chirurgie. La quatriesme quel ordre on doit tenir en apprenant la Chirurgie.

Iaques.

Combien de choses conuient-il sçauoir au Chirurgien, pour sagement, promptement & bien adroict executer ce qui appartient à l'art qu'il exerce?

Laurens.

Quatre : la premiere sçauoir quel est l'office du Chirurgien, c'est à dire, quelles operations il doit exercer au corps humain : la seconde, commēt il doit faire ces operations manuelles : la troisieme, la methode & moyen par lequel il pourra acquerir la connoissance de toutes operations, qu'il doit exercer au corps humain : la quatriesme, sçauoir les conditions requises à faire telles operations.

Iaques

Iaques.

Exposons tout ce dessus par le menu : & premierement parlons des quatre premiers poincts necessaires au Chirurgien , pour la theorique?

Laurens.

Quant au premier, qui est sçauoir que c'est que Chirurgie, cela est aprins en trois manieres.

Iaques.

Et quelles?

Laurens.

La premiere est , par la raison & signification du mot , que les Grecs appellent etymologie. La seconde est, par la diuision qu'on appelle distribution. La troisieme est, par sa diffinition : qui est yne oraison , par laquelle la nature de ce qui est diffiny est briefuement & clairement monstree.

Iaques.

Que signifie ce mot, Chirurgie?

Laurens.

Chirurgie, selon la raison & signification du mot, signifie operation de la main, & est vn mot composé de chir, qui signifie main: & ergon, qui vaut autant à dire que, œuvre: car la Chirurgie s'exerce par l'operation de la main.

Iaques.

En combien de manieres est diuisee la Chirurgie?

Laurens.

En deux.

Iaques.

En quelles?

Laurens.

La premiere est, en ses significations diuerfes: Et la secóde, en ses parties.

Iaques.

Comment se diuise la Chirurgie

gie selon ses significations diverses ?

Laurens.

En deux manieres.

Iaques.

Quelle est la premiere?

Laurens.

C'est, Chirurgie generalemēt prinse : & Chirurgie specialemēt prinse.

Iaques.

Qu'est-ce que Chirurgie generalement prinse?

Laurens.

C'est vn art qui guerit les maladies & symptomes , par l'operation de la main.

Iaques.

Qu'est-ce que Chirurgie specialement prinse?

Laurens.

C'est le tiers instrument de la medecine therapeutique , qui guerit

guérit par incision, vſtion, reposition des membres luxes : & ce par l'operation de la main.

Iaques.

Quelle est la ſeconde diuiſion de la Chirurgie en ſes ſignifications diuerſes?

Laurens.

Elle eſt cōmunément assignee telle: à ſçauoir, Chirurgie Theorique, & Chirurgie Præctique.

Iaques.

Qu'eſt-ce que la Chirurgie Theorique?

Laurens.

C'eſt celle qui enſeigne; & eſt dictē ſcience, car elle eſt acquiſe par demonſtration & cognition des principes de l'art: laquelle on peut auoir, encores qu'on n'exerce les œures de l'art, comme vn bon Medecin, qui ſçait parfaitement les theoremes & preceptes

ptes de l'art de Chirurgie.

Iaques.

Qu'entendez-vous par diuision de Chirurgie en ses parties?

Laurens.

J'entens quand elle est diuisee en Chirurgie generale, & Chirurgie speciale.

Iaques.

Cóment diuisez-vous la Chirurgie generale?

Laurens.

En deux sortes: Sçauoir est, en Chirurgie qui exerce ses operations sur les membres ou parties molles. L'autre est, celle qui exerce ses operations sur les membres ou parties dures. Ioannice en adiouste vne autre, qu'exerce ses operations sur les membres moyes.

Iaques.

Venons maintenant à la Chirurgie speciale?

Laurens.

C'est vne science qui enseigne d'ouurer avec methode & raison, és tumeurs cõtre nature, aux playes recentes, aux vlcères, fractures, luxations, & autres choses qui requierent l'ayde & operation de la main.

Iaquès.

P Arlons du secõd poinct, qui est du subiect de la Chirurgie?

Laurens.

Le subiect de Chirurgie c'est le corps humain, subiect à santé & à maladie, requerant l'ayde de la main.

Iaquès.

Pourquoy est-ce, que le corps humain est dit subiect de Chirurgie?

Laurens.

C'est a raison qu'il est principalement

palement confideré en la science de Chirurgie : Car tout ce qu'elle cherche par raison, & enseigne faire par la main, ne t'end qu'à l'vtilité dudit corps humain.

Iaques.

V Enōs au troisieme point, qui est de la fin de Chirurgie, & dictes moy quelle est?

Laurens.

La fin & intention de Chirurgie est, de guerir par operation manuelle, toutes les maladies du corps humain qui recoient curation, combien qu'elle ne paruienne pas tousiours à ceste fin.

Iaques.

Quel ordre faut il tenir en apprenant la Chirurgie?

Laurens.

L'ordre & maniere de proceder en apprenant la Chirurgie est, venir des choses communes aux
specia

speciales ou particulieres , ou
des manifestes aux obscures, ain-
si qu'il est obserué és autres dis-
ciplines.

Voy la ce qu'est necessaire au
Chirurgien pour la cognoissan-
ce de la Chirurgie. Reste a par-
ler des autres quatre poincts,
pour l'exception dudit art : &
premierement des operations.

Iaques.

Combien d'operations doit
exercer le Chirurgien, pour
paruenir à la fin qu'il se propose?

Lauren's.

Trois , sçauoir est, diuiser & se-
parer ce qui est vni. La secóde est
conioindre ce qui est diuisé, & le
reduire en bonne vnité. La troi-
siesme est , oster ce qui est su-
perflu.

b 2

Iaques.

Iaques.

En cōbien de sortes est separee l'vnité?

Laurens.

En trois, à sçauoir faisant incision & excision, coupant la veine, & scarifiant le cuir.

Iaques.

Et ce qui est séparé, comment est il conioinct?

Laurens.

En trois manieres, Premièrement en glutinant les playes. Secondement en remettât les choses en leur lieu. Tiercement, en curant les fractures.

Iaques.

Cōment ôtez vous le superflu?

Laurens.

Cela se faiet par vne des quatre sortes. cy. apres, sçauoir est, en ostant les tumeurs contre nature : en extirpant les ganglies, nœuds,

noëuds, scrofules, myrmecies, & autres choses semblables : en tirant l'humeur fereuse du ventre des hydropiques : & en ressecant le sixiesme doigt du pied ou de la main. Et c'est la fin du premier poinct de la seconde partie.

Iaques.

Poursuiuons donc le second poinct, qui est, comment le Chirurgien doit faire ses operations manuelles?

Laurens.

Il les doit executer tost, seuremēt, sans douleur, & sans tromperie, sans cupidité de gagner, ains par bonne affection enuers son prochain: Sans se vanter de pouoir guerir les maladies qui sont incurables, comme sont les chācres occultes & vlcerez, & la laderie ia inueterée.

Iaques.

Pour feurement curer, de combien de choses faut il que le Chirurgien se prenne garde?

Laurens.

De trois principalemēt. La premiere est, qu'il conduise a fin ce qu'il aura entrepris. La seconde est, que s'il ne peut paruenir à son scope, au moins qu'il ne nuise au patient. La troisieme est, que le mal ne retourne.

Iaques.

V Enõs au troisieme poinct, qui est de cognoistre la methode & moyen, par lesquels il pourra acquerir la cognoissance de toutes les operations qu'il doit exercer au corps humain. Et dy moy, par combien de moyēs il y pourra paruenir?

Laurens.

Par trois: C'est à sçauoir par la premiere

premiere, seconde, & tierce Indications.

Iaques.

Qu'est-ce que la premiere Indication?

Laurens.

La premiere Indication, n'est autre chose, qu'une insinuation des choses qu'il doit faire, & est prinse de la nature de la chose, de laquelle la fin, est appelée intention, comme conseruation de ce qui est selon nature, & expulsion des choses qui sont cõtre nature.

Iaques.

Combien y a il de choses selon nature?

Laurens.

Six. La premiere est santé, c'est à dire disposition selon nature, idoine a faire l'action. La secõde sont les causes de santé. La troisieme est l'effect de santé, c'est

b 4 à dire

à dire les actions qui sont selon nature. La quatriesme, la vertu, c'est à dire la nature qui bataille contre la maladie. La cinquiésme est la coustume qui est comme vne autre nature. La sixiesme est température. Et toutes ces dictes choses sont conseruees par leurs semblables.

Iaques.

Combien y a il de choses contre nature?

Laurens.

Trois. La premiere est la maladie, c'est à dire disposition cõtre nature premieremēt & non par le moyen d'autre, empeschant & blessant l'action. La seconde est la cause de la maladie: qui est celle qui empesche l'action, non par elle mesme, mais par le moyen de la maladie. La troisiésme est le symptome, en prenant le mot
oub e
specia

specialement : c'est à dire l'accident qui suit la maladie, comme l'ymbre faiët le corps, & toutes ces trois choses sont chassées par leurs contraires.

Iaques.

Qu'entendez vous, par expulsion des choses qui sont contre nature?

Laurens.

J'entens la guerison de la maladie, a laquelle la curatió est deüe.

Iaques.

Cóbien y a il d'especes de curation de la maladie?

Laurens.

Deux : c'est à sçauoir, curation de maladie simple, & curation de maladie composee.

Iaques.

Comment se faiët l'expulsion & guerison de la maladie simple?

b 5

Laurens

Laurens.

Elle se faiét en applicquant les choses contraires à la maladie.

Iaques.

Comment cela?

Laurens.

Par l'indicatiō prinse de la chose cōtre nature, laquelle nous est manifestee par son contraire.

Iaques.

Prenez moy quelque exemple de cela?

Laurens.

Vnion, le contraire de laquelle est solution de continuité. Refrigeration, le contraire de laquelle est calefaction. Et de Calefactiō, refrigeration. De Siccité, humectatiō. De Diminution, augmentatiō. De Augmentation, quantité diminuee. De Ablation, nōbre excessif. De Production, nōbre deffaillant. De Apertion, obstruction

struction: De Ampliation, angustie. De Astriction, rarefactiō. De Reduction en sa propre figure, est la figure changee. De Remise en son propre lieu, situation changee, comme en vn membre luxé, & en l'intestin descédant en la bourse, & ainsi des autres.

Iaques.

Que faut il considerer en l'expulsion & guerison de la maladie composee?

Laurens.

Deux choses principalement: sçauoir est, la contrarieté d'une chascune chose applicable.

Iaques.

Que faut il tenir & sçauoir pour garder l'ordre des choses contraires qu'il faut appliquer?

Laurens.

Il faut sçauoir quelle maladie on doit premierement curer.

Iaques.

Iaques.

Et quelle maladie doit on premierement curer?

Laurens.

Celle de laquelle la curation est cause de la curation de l'autre; & sans laquelle l'autre ne peut estre curee, ou celle qui est la plus vrgente & plus dangereuse. Et voyla que faut sçauoir pour la premiere Indication.

Iaques.

D Isons donc maintenant, qu'est-ce que la seconde Indication?

Laurens.

C'est celle qui nous declaire, à sçauoir, si nous pouuons esperer, ce a quoy nous tendons, & que la premiere Indication requiert.

Iaques.

Comment est-ce que la seconde Indication nous móstre cela?

Laurens.

Laurens.

En nous declarant si nous pouuons cōseruer les choses qui sont selon nature : & si nous pouuons expeller les choses qui sont contre nature.

Iaques.

Qu'est-ce que la seconde Indication prinse de la chose qui est selon nature recherche & examine?

Laurens.

Elle recherche & examine si on doit esperer l'entiere conualef-cence : Si la vertu & force peut estre conseruee pour la vie : Si les causes aussi de la santé peuvent estre conseruees, & ainsi des autres.

Iaques.

Qu'est-ce que ceste secōde Indication prinse de la chose contre nature, nous montre.

Lau

Laurens.

C'est, si on peut esperer expulsion & guerison de la maladie & symptome : & si nous pouvons user de precaution contre les causes.

Jaques.

Commēt cognoissiez vous, que la maladie est incurable?

Laurens.

En trois manieres. La premiere, quand elle est de sa nature incurable comme la ladrerie cōsommee & parfaicte. La seconde, quand le patient refuse ayde & remedes necessaires à la curation de la maladie, laquelle de foy n'est incurable: comme excision à vn chancre qui occupe quelque membre, ou punction en l'hydropisie (laquelle punction les Grecs appellent paracentesis) & ainsi des autres. La troisieme est,

est, quand la curation de la maladie qui nous est proposée, nous baille occasion de plus grand mal; comme si le mal qu'on appelle mal mort, inueteré est curé, ou si on oste du tout les hemorrhoydes inueterées: car si on n'en garde vne, il y a d'áger d'hydropisie, manie ou phthisie.

Iaques.

En combien de manieres cognoissez vous, que la maladie est de la nature incurable?

Laurens.

En quatre: c'est à sçauoir par la substance, action, vsage, & situation de la partie affligée.

Iaques.

Cóment faut il cognoistre vne maladie estre incurable, par la substance de la partie affligée?

Laurens.

En deux façons. La premiere

par

par la mixtion des quatre premières qualitez en chaleur, froideur, humidité, & siccité. La seconde, de la première generation, dont est formée la substance & consistance d'icelle.

Iaques.

Qu'elle est l'indication prise de la mixtion des quatre premières qualitez?

Laurens.

Elle est double: car ou elle est esgalement vitiee, ou inesgalement vitiee.

Iaques.

Qu'est-ce que nous indique la mixtion des quatre premières qualitez esgalement vitiee?

Laurens.

Nous montre & indique ce que nous prétendons ne pouvoit estre fait.

Iaques

Iaques.

Pourquoy cela ?

Laurens.

Pource que vne ou deux qualitez ont si extremement rendu intemperée la partie, qu'il n'y a poinct d'autres qualitez pour y pouuoir resister: tellement qu'on ne peut auoir aucune esperance de la pouuoir reſclifier, par aucun secours qu'on puisse donner à la nature par les medicaments: & c'est pour autant que ceste intemperature s'est faicte familiere à la partie: comme en fiebure hectique, & au marasme.

Iaques.

Et celle qui est inegalement viticee, qu'est-ce qu'elle nous infinue ?

Laurens.

Nous insinue ce que nous pretendons pouuoir estre faict.

Iaques.

Comment cela?

Laurens.

Parce que la partie n'est pas si intemperée, qu'il n'y ait en elle d'autres qualitez contraires qui resistent à ceste cy : & se peut restifier, ou par la nature seule, ou secouruë du Chirurgien, par application de remedes conuenables : ce que ne peut estre faict en la premiere.

Iaques.

De cōbien de choses est prise l'indication de la premiere generation dont est formée la substance, & la consistance de la partie affligee ?

Laurens.

Laurens.

De trois choses, desquelles la premiere est la substance solide blesee. La seconde, la substance charneuse viciee. La troisieme, la substance spirituelle blesee.

Iaques.

Qu'est-ce que nous insinue la substance solide blesee?

Laurens.

Elle montre ce que nous pretendons, ne pouuoir estre fait, selon la premiere intention, mais bien selon la seconde pouuoir estre accompli.

Iaques.

Et les autres deux, que nous insinuent elles?

Laurens.

Ce que la premiere indication

tion requiert , pouuoir estre
faict.

Laques.

Combien de choses insinue
l'indication seconde , prise de
l'action de la partie ?

Action.

Laurens.

Quatre. La premiere est , cel-
le par laquelle la vie est , insinue
que si elle est perdue , ce à quoy
nous tendons , ne peut estre faict.
La seconde sans laquelle la vie
ne peut estre , insinue de mesme.
La troisieme , celle par laquel-
le la vie est meilleure , insinue
que si elle est perdue , ce à quoy
nous prétendons , peut estre faict,
toutesfois que le mal deviendra
plus grand par succession de
temps. La quatrieme , par la-
quelle la vie est conseruee , insi-
nue le mesme.

Com

Iaques.

Combien de choses insinue la tierce intention, prise de l'usage ou commodité ingenerée par nature, pour obtenir vne autre chose?

*Vsage.**Laurens.*

Deux choses. La premiere l'usage de la partie necessaire à la vie, insinue que si elle est perdue, ce à quoy nous pretendons, ne peut estre faict. La seconde, prise de la partie non necessaire à la vie, insinue que si elle est perdue, ce à quoy nous pretendons, ne peut estre faict.

Iaques.

Que nous est-il indiqué par la quatriesme indication, prise de la situation de la partie?

*Situation.**Laurens.*

Premierement, la partie à laquelle

le les medicamens peuvent paruenir infinue que nous pourrons obtenir ce que la premiere indication requiert. Secondement, celle à laquelle les medicamens ne peuvent paruenir, monstre que nous ne pouuons obtenir ce que la premiere indication requiert.

Iaques.

VENONS à la tierce intention?

Laurens.

La tierce intention est celle qui trouue les remedes, par lesquels nous pouuons obtenir, ce que la premiere indication requiert; & la secôde declare pouuoir estre fait.

Iaques.

Combien de choses sont requises

quises pour ceste tierce indication?

Laurens.

Deux. La premiere, sont les remedes conuenables propres à obtenir la fin à laquelle nous tendons. La seconde est, l'usage conuenable desdicts remedes, qui autrement sont appelez instruments.

Iaques.

Combien y-a-il de manieres d'instruments?

Laurens.

Deux : A sçauoir communs, & propres.

Iaques.

Qu'appellez-vous instrumēts ou remedes communs?

Laurens.

Ceux qui se peuent appli-
quer

quer à toutes les parties du corps.

Iaques.

Combien de sortes y a-il d'instrumens communs?

Laurens.

Deux, à sçauoir medicaux, & de fer.

Iaques.

Quels sont les instrumens medicaux?

Laurens.

Ils sont plusieurs ; comme le bon regime de viure consistant ez six choses non naturelles : la pharmacie, c'est à dire médecine en potion, ou en bolus, phlébotomie, emplastres, vnguens, poudres, & semblables.

Iaques.

Le Chirurgien doit-il vser de
ces

ces instrumens medicinaux de sa propre autorité?

Laurens.

Non , mesmement des deux premiers , car pour bien les appliquer , premierement le Chirurgien doit prendre conseil du docte Medecin.

Iaques.

De combien & de quels vnguens doit estre muni le Chirurgien , pour paruenir aux scopes & intentions de son art?

Laurens.

De cinq : c'est à sçauoir Basilicon , pour aider à cuire & supurer : Apostolo à nettoyer : Aureum , à remplir : Album à cicatrifer : & Dialthea à mitiguer.

Iaques.

Quels sont les instrumens de
c 5 fer,

fer, desquels le Chirurgien vse?

Laurens.

Ils sont plusieurs : comme ciseaux, rasoirs, lancettes, cauterres, tenailles, pincettes, haims crochus, esprouvettes, aiguilles, cannelles.

Iaqués.

Dequoy seruent tous ces instrumens?

Laurens.

Les vns seruent pour faire incision & excision, comme les trois premiers. Le quatriesme sert à brusler : les autres à tirer, comme les quatre suyans ; les autres à coudre, comme les deux derniers.

Iaqués.

Entre tous ces instrumens re-
cite

cite quels sont plus necessaires ,
& qui plus souuent viennent en
vsage , à raison dequoy le Chi-
rurgien les doibt tousiours por-
ter ?

Laurens.

Il y en a six : sçauoir est , les
ciseaux , pincettes , rasoirs , es-
prouette , lancette , aiguille.

Iaques.

Qui sont les instrumens pro-
pres , desquels vous auez parle ?

Laurens.

Ceux qui sont dediez à quel-
que particulier membre : com-
me trepanes à la teste , fauceol
pour le siege , Speculū oris, Spe-
culum m atricis.

Iaques.

En quoy consiste l'vsage des
reme

remedes, conuenables pour obtenir la fin proposee?

Laurens.

En la diuersité des choses naturelles, non naturelles, & contre nature.

Iaques.

Qu'est-ce que vous appelez, choses naturelles?

Laurens.

Celles desquelles nostre corps est faict.

Iaques.

Et combien en y a-il?

Laurens.

Sept: sçauoir est, les elemens, Temperamens, humeurs, membres, vertus, opérations, & les esprits.

Iaques

Iaques.

Combien y a-il des choses annexees aux naturelles?

Laurens.

Quatre: sçavoir est les eages, les couleurs, les figures ou habitudes, & les sexes diuisé en masculin & féminin.

Iaques.

Qu'entendez-vous par les choses non naturelles?

Laurens.

Celles qui cōseruent le corps humain en santé, si elles sont bien appliquees; mais si elles ne sont bien administrees, elles le destruisent.

Iaques.

Quel nombre y a-il de choses non naturelles?

Iaques.

Laurens.

Elles sont en nombre de six: sçauoir est, l'air qui est autour de nous, le manger & boire, l'exercice & repos, le dormir & veiller, les excremens, & les choses retenues au corps, les affections de l'esprit.

Iaques.

A ces six choses non naturelles n'en y-a-il pas d'autres qui leurs soyent annexees?

Laurens.

Si a, & sont aussi en nombre six: sçauoir est, le temps, la region, les vents, les baings, l'acte venerien, & la coustume.

Iaques.

Qu'entendez-vous par chose contre nature?

Laurens.

Celles qui sont contraires à icelle, & la destruisent, blessent ou rendent malade.

Iaques.

Et combien en y a-il.

Laurens.

Trois : sçauoir est, la maladie, la cause de la maladie, & le symptome qui suit la maladie.

Iaques.

Combien y a-il de genres de maladies?

Laurens.

Trois : sçauoir est, intemperature ou mauuaise complexion, mauuaise composition, & solution de continuité.

Iaques.

Ces trois genres de maladie sont ils cômuns à toutes les parties du corps?

Laurens.

Non , excepté solution de continuité, laquelle est commune maladie tant aux parties similaires , comme aux organiques : mais intemperature appartient aux parties similaires, & mauuaise composition aux organiques.

Iaques.

Pourquoy ne faiçtes vous mention, que du nombre general des maladies?

Laurens.

Pource que spécialement ne se peuuēt nombrer, d'autant que le

le nombre en est presque infini.

Iaques.

Cóbien y a il de causes de maladie en general?

Laurens.

Il en y a trois, qui sont primitives (que les Grecs disent procatistiques) antecedentes, & conjoinctes.

Iaques.

Comment diuisez vous le symptome, qui suit la maladie?

Laurens.

En trois especes, vne est l'actiõ empeschee & blesee, l'autre est la qualité changee comme grãd chaleur en vn flegmon, & l'autre est des desmesurees excretions, & suppressions des excremens.

Iaques.

L'action en combien de sortes
d peut

Pline & plusieurs autres Medecins Grecs & Arabes ont escrit que depuis deux mille ans, ils ont descouvert plus de trois cens especes de maladies, auxquelles le corps humain est subiect, sans les nouvelles qui apparoissent to^{us} les iours.
Voy au thea^{tre} du monde, liure iij. pag. 146.

peut elle estre empeschée?

Laurens.

En trois : car ou elle est abolie, comme en cecité (c'est à dire, la perte entière de la veuë) ou diminuée, cōme debilité de veuë, ou corrompue, comme la vision deprauee.

IL RESTE DE VENIR
au quatriesme & dernier, qui est
des conditions requises à faire
telles operations.

Jaques.

DE combien de choses dependent les conditions requises pour biē exercer les operations manuellles?

Laurens.

De quatre, la premiere est rapportee

portee aux Chirurgiens. La seconde aux malades. La troisieme aux choses exterieures. La quatriesme aux assistantz & ser-
uans.

Iaques.

Combien de conditions sont
requises à vn bon Chirurgien?

Laurens.

Quatre : La premiere qu'il soit ^{Quatre} ^{conditions re-}
docte en ce qui appartient à son ^{quises à vn}
art. La seconde, qu'il ayt beau- ^{bon Chi-}
coup d'experiences. La troisieme, ^{rurgien.}
qu'il ayt bon esprit. La qua-
triesme, qu'il soit de bonnes
meurs.

Iaques.

En quoy consiste la doctrine &
erudition du Chirurgien?

Doctrine
du Chirur-
gien.

Laurens.

En la speculation des choses
d. 2 natu.

naturelles , non naturelles , & contre nature.

Iaques.

Et la pratique en quoy consiste elle?

Laurens.

En deux choses : à sçauoir, en promptement , honestement & bien exercer les operations manuelles. L'autre en prenant conseil és choses qui appartiennent aux medicamens & maniere de viure.

Iaques.

Combien de choses doit principalement sçauoir le Chirurgien des choses naturelles?

Laurens.

Quatre : sçauoir est, la substance des corps , le temperamēt d'iceux, la conformation, & la position

tion d'une chascune partie.

Iaques.

Pourquoy est-ce que ces indications doiuent estre principalement considerees?

Laurens.

C'est d'autant que les indications de curer sont prinſes de ces choses.

Iaques.

En quoy conſiſte l'experience
du Chirurgien?

*Experience
du Chirurgien.*

Laurens.

Es choses qui ſont excogitees par certaineraiſon, & ſont confirmees par uſage.

Iaques.

Pourquoy conioignez vous la raiſon, avec l'vſage?

Laurens.

Pource que si le Chirurgien n'a l'experience confirmee avec la raison ; il sera reputé empirique & temeraire.

Iaquès.

Quelles choses sont requises en ce qui appartient à l'engin & bon esprit du Chirurgien?

Laurens.

Six : car il faut qu'il ayt bonne & prompte apprehension, memoire tenace & fidelle, recordation facile, iugement droict, dextérité d'operer, & promptitude à trouuer les remedes.

Iaquès.

Pour dextrement & promptement operer quelles choses sont requises?

Laurens

Quatre : La premiere est, que le Chirurgien ait la veuë claire & bonne. La seconde, qu'il ait la main bien habile, ferme & non tremblante. La troisieme, qu'il soit autant habile & prompt de la main senestre, que de la dextre. La quatrieme, qu'il ayt le corps bien conformé & bien disposé.

Jaques.

Quelles sont les meurs & conditions requises au Chirurgien? *Les meurs du Chirurgien.*

Laurens.

Qu'il soit hardy & non craintif
 es choses seures & necessaires:
 qu'il ne soit trop soudain aux
 choses douteuses & dangereu-
 ses. Qu'il soit gracieux & affable
 aux patients. Qu'il soit doux &

familier enuers ceux de son estat. Qu'il soit prudēt & discret a predire & pronostiquer. Qu'il soit chaste & temperant. Qu'il soit misericordieux aux pauvres. Qu'il n'ayme trop l'argent, & ne soit exacteur, c'est à dire escorsif.

Iaques.

Conditions des mala- Quelle doyuent estre les con-
des. ditions du patient?

Laurens.

Qu'il soit obeissant au Medecin & Chirurgien, comme le seruiteur au maistre. Qu'il ayt grād' confiance en iceux. Et finalement qu'il endure patiemment tout ce que les Medecins & Chirurgiens rationelz & bien experimentez, ordonnent & font pour sa guerison.

Iaques.

Iaques.

Et ceux qui sont autour du patient, de quelles conditions doivent ils estre munis. *Conditions des assistants.*

Laurens.

De trois. C'est à sçauoir, qu'ils soyent prudens, paisibles & fideles.

Iaques.

Comment est-ce que les choses exterieures doivent estre aprestees?

Laurens.

Elles doivent estre toutes aprestees à l'vtilité du patient, & conuenables à la maladie.

Iaques.

Quelles choses cõprenez vous sous l'application des choses exterieures? *Choses exterieures.*

Quatre: La premiere est, le logis commode & sans bruit. La seconde, les choses qu'on annonce, & qui se font. La troisieme, les choses qui donnent tristesse, courroux, ou quelque autre affection au patient. La quatrieme, les choses qui empeschent & rompent le dormir.



F I N.




APPROBATION.



LE tout a esté reueu & corrigé par Monsieur Ioubert, Docteur Regent en la tres fameuse Vniuersité de Montpelier & corrigé de sa propre main.



A decorative border composed of stylized floral motifs, arranged in a rectangular frame around the central text. The motifs are symmetrical and feature intricate scrollwork and petal-like shapes.

*De l'Imprimerie,
de Pierre Chastain
dit Dauphin.*

1 5 8 9.